

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst («Službene novine Zeničko-dobojskog kantona», broj 7/10), člana 4. i 8. Zakona o koncesijama-Prečišćeni tekst («Službene novine Zeničko-dobojskog kantona», broj 5/03), Vlada Zeničko-dobojskog kantona, na prijedlog Ministarstva za privredu, na nastavku 96. sjednice, održanom 24.01.2013. godine, d o n o s i

ODLUKU

o dodjeli koncesije za istraživanje i eksploataciju mineralnog resursa-dijabaza na ležištu Donji Rakovac, općina Maglaj

Član 1.

(Saglasnost)

Daje se saglasnost na Studiju o ekonomskoj opravdanosti dodjele koncesije na istraživanje i eksploataciju, te postojanju javnog interesa za dodjelu koncesije za istraživanje i eksploataciju mineralnog resursa- dijabaza na ležištu Donji Rakovac, općina Maglaj.

Član 2.

(Predmet koncesije)

Privrednom društvu „Greenstone“ d.o.o. Maglaj (u daljem tekstu Koncesionar) dodjeljuje se koncesija za istraživanje i eksploataciju mineralnog resursa- dijabaza na ležištu Donji Rakovac, općina Maglaj.

Član 3.

(Lokacija)

(1) Istražno-eksploatacioni prostor ležišta je ograničen graničnim linijama sa prijelomnim tačkama kako slijedi:

Tačka	X	y	Z /m/
A	4 936 341,55	6 513048,51	260
B	4 936437,29	6 513030,12	313
C	4 936458,29	6 513076,20	312
D	4 936527,06	6 513148,06	320
E	4 936576,67	6 513171,63	314
F	4 936653,05	6 513201,24	326
G	4 936643,75	6 513201,24	345
H	4 936600,15	6 513295,90	365
I	4 936602,05	6 513328,39	360
J	4 936508,26	6 513167,80	300
K	4 936412,10	6 513169,59	262
L	4 936430,88	6 513160,44	265

(2) Površina unutar istražno-eksploatacionog polja je 2,3 ha, nalazi se na k.č.br. 1614/62, 1614/66, 1614/67, 1614/68, 1614/82, 1614/69, 1614/70 i 1614/65, K.O. S_P. Rakovac zemljišnoknjižni uložak br. 656.

Član 4.

(Ugovor)

Zadužuje se Ministarstvo za privredu da u skladu sa ovom Odlukom i odredbama Zakona o koncesijama potpiše Ugovor o dodjele koncesije za istraživanje i eksploataciju mineralnog resursa – dijabaza na ležištu Donji Rakovac, općina Maglaj.

Član 5.
(Elementi Ugovora)

(1) Osnovni elementi Koncesionog ugovora su:

a) Vrijeme koncesije za istraživanje je 1 godina (jedna godina), računajući od dana dobijanja dozvole za istraživanje, a vrijeme koncesije za eksploataciju je 20 godina, računajući od dana dobijanja dozvole za eksploataciju.

b) Minimalna visina kontinuirane koncesione naknade je $0,85 \text{ KM/m}^3$ čvrste mase (slovima: osamdesetpet konvertibilnih feniga po metru kubnom čvrste mase),

c) Minimalna godišnja količina eksploatisanog dijabaza na koji je Koncesionar dužan plaćati koncesionu naknadu je 20.000 m^3 /godišnje (slovima: dvadesethiljada metara kubnih čvrste mase po godini).

d) Maksimalna količina eksploatisanog dijabaza u fazi istraživanja je 1.000 m^3 čvrste mase.

(2) Koncesionar je dužan prije potpisivanja Koncesionog ugovora obezbijediti:

a) Ovjerenu mjenicu sa mjeničnom izjavom na iznos od 34.000,00 KM

b) „Nulto stanje“ ležišta prije početka istražno-eksploatacionih radova sa fotografisanjem eventualnih postojećih objekta u blizini ležišta.

(3) Koncesionar je dužan prije dobijanja dozvole za eksploataciju obezbijediti: urbanističku, vodoprivrednu, šumsku saglasnost, te okolinsku dozvolu.

Član 6.
(Istraživanje i eksploatacija)

(1) Istražne i eksploatacione radove, kao i sve druge prateće poslove, Koncesionar je dužan izvoditi u skladu sa odredbama važećih zakona i propisa kojima je uređena oblast istraživanja i eksploatacije mineralnih resursa, te drugih važećih zakonskih propisa.

(2) U slučaju da Koncesionar ne otpočne sa istraživanjem i eksploatacijom dijabaza u roku od jedne godine, računajući od dana donošenja ove Odluke, smatrat će se da je odustao od realizacije projekta.

Član 7.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-_____ /13.

Datum, 24.01.2013. godine

Z e n i c a

PREMIJER

mr.sci. Fikret Plevljak, dipl.ing.

DOSTAVLJENO:

1x Ministarstvo za privredu,

1x Ministarstvo za prostorno uređenje, promet i komunikaciju
i zaštitu okoline,

1x Ministarstvo za poljoprivredu, šumarstvo i vodoprivredu,

1x „Službene novine Zeničko-dobojskog kantona“

1x „Greenstone“ d.o.o. Maglaj, putem ministarstva,

1x a/a.